

Na osnovu člana 8. stav (1), člana 11. stav (1) i stav (2) i člana 18. stav (1) Zakona o muzejskoj djelatnosti („Službene novine Kantona Sarajevo“, br.13/17), člana 9. stav (d) i člana 10. Pravilnika o normativima i standardima za muzejsku djelatnost („Službene novine Kantona Sarajevo“, 1/19), člana 5 stav (1) i (2) Pravilnika o sadržaju i načinu vođenja muzejskih evidencija („Službene novine Kantona Sarajevo“, 1/19), član 13, stav (1), Pravila javne ustanove „Gradski muzeji“ Sarajevo, broj: 01-04-398/24 od 15.10.2025. godine, uz prethodnu saglasnost Upravnog odbora JU „Gradski muzeji“ Sarajevo, datoj na __ sjednici Upravnog odbora, održanoj dana __. __.2025. godine, Direktorica JU „Gradski muzeji“ Sarajevo, donosi

**POLITIKU SAKUPLJANJA MUZEJSKE GRAĐE JU „GRADSKI MUZEJI“
SARAJEVO ZA DEPENDANS OLIMPIJSKI MUZEJ SARAJEVO ZA RAZDOBLJE
2025. DO 2030. GODINE**

I – OPĆI DIO

Dokument o politici sakupljanja muzejske građe JU „Gradski muzeji“ Sarajevo za dependans Olimpijski muzej Sarajevo za razdoblje 2025. do 2030. godine (u daljem tekstu: Dokument), se temelji na poslanju JU „Gradski muzeji“ Sarajevo (u daljem tekstu: Muzej) i određuje vrstu građe koju Muzej sakuplja.

Dokumentom o politici sakupljanja muzejske građe utvrđuje se način i osnovni kriterij za prikupljanje građe Olimpijskog muzeja Sarajevo u skladu s normativima i standardima za muzejsku djelatnost na području Kantona Sarajevo. Muzejsku zbirku čine predmeti koje su donirali građani Sarajeva i drugih jugoslavenskih gradova, sportisti sudionici ZOI 84, umjetnici te akteri neposredno uključeni u realizaciju igara.

II - SVRHA SAKUPLJANJA

Olimpijski muzej Sarajevo ustanovljen je 1984. godine kao specijalni muzej koji prikuplja, čuva, izlaže i interpretira nematerijalnu (oralne historije) i materijalnu (predmete) baštinu koja svjedoči Zimske olimpijske igre održane 1984. godine u Sarajevu (u nastavku teksta ZOI 84). Primarna namjera muzeja je očuvanje memorije na ZOI 84 kao iznimno dostignuće epohe i građana Sarajeva, Bosne i Hercegovine, te Jugoslavije.

Muzej prikuplja muzejsku materijalnu i nematerijalnu muzejsku građu da bi:

1. očuvao sjećanje na dostignuće epohe i građana Sarajeva, Bosne i Hercegovine, te Jugoslavije.
2. provodio i omogućio provođenje naučnih istraživanja historijskog razdoblja, te ZOI 84.
3. kroz kreativne stručne i naučne programe i stalnu postavku pobudio interes publike za ZOI 84 i omogućio kvalitetan kulturni i obrazovni sadržaj široj publici.

III- NAČELA SAKUPLJANJA

Muzej prikuplja i pribavlja građu putem poklona, donacija i terenskog istraživanja u skladu sa Zakonom o muzejskoj djelatnosti Kantona Sarajevo i Pravilnika o normativima i standardima za muzejsku djelatnost, te međunarodnim propisima ratificiranim od strane Bosne i Hercegovine (Konvencija o mjerama zabrane i sprečavanja nedozvoljenog uvoza, izvoza i prijenosu vlasništva kulturnih dobara (UNESCO), Etičkom kodeksu za muzeje (ICOM)).

Pravni osnov za unos prikupljene građe u evidencijske knjige Muzeja je pisani ugovor ili drugi dokument o prijenosu vlasništva, a koji sadrži opis građe i izjavu o provenijenciji i vlasništvu.

1. Muzej Zimskih olimpijskih igara građu prikuplja isključivo putem donacija, poklona i terenskog istraživanja (izrada fotodokumentacije, oralna svjedočanstva, itd.) s ciljem naučnog, tematskog i sadržajnog popunjavanja zbirki.
2. Osnovni kriterij za prihvaćanje muzejske građe je neposredna veza uz Zimske olimpijske igre održane u Sarajevu 1984. godine, te ona muzejska građa koja svjedoči duh vremena odnosno kulturni i politički kontekst u kojem je ovaj događaj realiziran.
3. Muzejska građa se prikuplja, obrađuje pohranjuje i trajno čuva prema pravilima struke, a na način koji omogućava kasnije provođenje stručnih i stručnih istraživanja.
4. Kod prihvaćanja donacija, poklona i nasljeđivanja nadležni kustos daje prethodnu saglasnost o vrijednosti i potrebi prihvaćanja istog, a direktor donosi konačnu odluku vezano za financijske i infrastrukturne uvijete.

Muzej prikupljenu građu dokumentira u skladu sa Pravilnik o normativima i standardima za muzejsku djelatnost („Službene novine Kantona Sarajevo“, 1/19) i Pravilnika o sadržaju i načinu vođenja muzejskih evidencija („Službene novine Kantona Sarajevo“ br.1/19).

IV – STUPANJE NA SNAGU

Ova politika sakupljanja stupa na snagu danom donošenja i objavit će se na web stranici i oglasnoj ploči Muzeja.



DIREKTOR

Broj: 01-36-234/25

Sarajevo, 07.10.2025